

ACTA DA SESIÓN EXTRAORDINARIA E URGENTE CELEBRADA POLA COMISIÓN INFORMATIVA PERMANENTE DE URBANISMO, VIVENDA, INFRAESTRUTURAS, PARQUES E XARDÍNS E MEDIO AMBIENTE O DÍA 26 DE SETEMBRO DE 2013 ÁS 19:30 HORAS.

Sendo as dezanove horas e trinta minutos (19:30) do día 26 de setembro de 2013, reúnese en sesión extraordinaria e urgente convocada ao efecto a Comisión Informativa Permanente de Urbanismo, Vivenda, Infraestruturas, Parques e Xardíns e Medio Ambiente, coa asistencia das/os concelleiras /os que de seguido se indican.

Concelleiros/as asistentes:

Vocais:

Grupo municipal popular

M^a Carmen Verde Leboráns

Grupo municipal socialista

José Manuel Miñones Conde

José Pazos Balsa

Concelleiras/os non adscritas/os

Xosé Anxo Doval Rey

Manuel J. Ferreiro Santiago

Ramón García Argibay

Emilio Martínez Carballera

Presidente: Don Alfredo Taboada Alvelo

Secretaria: Dona Rosa Ana Prada Queipo.

Asiste o señor **interventor** don José Antonio Rueda de Valenzuela.

ORDE DO DÍA:

Punto primeiro.- Ratificación da urxencia da convocatoria.

Intervén o presidente da comisión don **Alfredo Taboada Alvelo** para explicar substancialmente que a urxencia ven motivada como consecuencia dunha emenda presentada no día de hoxe por varios concelleiros da Corporación á licitación do “Ciclo integral da auga”.

A urxencia da convocatoria é ratificada por unanimidade dos membros presentes.

Punto segundo.- Emenda presentada o 26 de setembro de 2013, rexistro de entrada 13.837 aos pregos de cláusulas administrativa particulares que rexeran no procedemento aberto con varios criterios de adxudicación para a adxudicación do servizo público “Ciclo Integral da Auga” no Concello de Ames.

Intervén o concelleiro don **Xosé Anxo Doval Rey** para expoñer substancialmente o contido da emenda, que afecta ás cláusulas 27, 31 e 40, introducindo a posibilidade de que o pago dos recibos se efectúe en metálico na propia oficina, que a partir do ano de vixencia do contrato o Concello poda recuperar a xestión e recadación da taxa por actividades e servizos relacionados coa hixiene urbana e que se incorpore como asesoramento á mesa polo menos un técnico na materia.

Nos mesmos termos intervén **José Manuel Miñones Conde**.

Rematadas as intervencións, a emenda presentada con rexistro de entrada 13.837, de 26 de setembro de 2013, emenda ao prego de cláusulas administrativas particulares que rexerán no procedemento aberto, con varios criterios de adxudicación, para a adxudicación do servizo público do “Ciclo integral da auga do Concello de Ames”, informada favorablemente pola Intervención e Secretaría municipal, resulta ditaminada favorablemente por unanimidade dos membros presentes.

E non habendo mais asuntos de que tratar o señor presidente da por rematada a sesión ás dezanove horas e trinta e cinco minutos do día de referencia de todo o que eu como secretaria certifico.